

濟寧直隸州續志

鄧際昌
署



丁卯孟春

濟寧直隸州續志

如皋鄧際昌署



序

國史藝文志濟寧州志三十四卷周永年盛百二同撰但未見傳本明人纂州志有莫王兩君書亦佚康熙中再修州志至乾隆初王君應亭釐訂之刊行於世歷五十餘年徐清惠公來爲州牧復踵王志修之尤詳整有法然未及成書而公已擢去其已就之稿本藏於州學又歷十餘年盧牧朝安重爲編次以付梓人且採道光以後之事實增益之爲續志二十四卷一州文獻始彬彬可考矣民國肇建廢直隸州改濟寧爲縣上距盧君續修之日已五十餘年同鄉之士僉恐國命已更舊聞凌替遂議續修州志其記載訖於宣統三年雖一準王徐兩志之舊然採摭繁富實爲兩志所不及辛酉之秋經始志局延唐照青刑部爲總纂唐君去後復延徐庚生戶部踵其事草創未就而徐君遽歸道山嗣濟寧直隸州續志

卷首

柯序

一

經袁性之明經續成之又屬劭恣以校勘之役劭恣管窺所及稍爲補苴罅漏其義例蓋亦無所更易云又劭恣藏明嘉靖山東通志爲近罕觀之本據補王徐兩志之闕乃多至百餘事先是吾東續修通志亦未見明之舊志也故凡據明通志以補州志皆新通志所未詳夫一州之記載遺漏如此則他州縣可知矣於是又知志乘之書微論宋元祕笈有裨掌故卽明之纂述其翔實亦遠勝於後之作者余旣撰述續修州志之始末又竊以千慮之一得質於知言君子焉乙丑冬十二月旣望膠西柯劭恣序

序

庚申八月余奉

命蒞濟寧任適潘潔泉封翁自津門旋里以重修州志爲言余聽之既
繙閱舊志乃道光時江蘇通州徐清惠公牧濟寧時所重修者當未付
梓置學宮廿餘載新會盧曉亭刺史牧是州始鋟板并成績志四卷距
今又五十餘年矣濟寧鉅郡文獻不完殊爲憾事乃草擬重修規條招
集紳耆詳細商定並先捐廉設局於道署東偏延總分纂主其事廣爲
採訪力求詳確惟是世局變更今昔殊異全書體例幾經斟酌定爲先
完成州志後再舉民國十數年之事實另編縣志用示繼往開來之意
縣志分疆域法制文獻故實四略大致規倣直隸鹽山縣志以其體例
於新舊咸宜也每一卷成漏夜覆核亦間有增刪未及一年而總分纂
濟寧直隸州續志

卷首

張序

一

均以他事去屬秘書袁君性之續成之壬戌夏間余又奉檄調掌河務
工繁繁冗未能如徐清惠携志稿置行篋中四易寒暑而手爲纂定心
滋歉矣州縣兩志脫稿後又由潔泉封翁延柯鳳蓀學士鑒核復爲補
入明通志若干條可稱完備噫修志之難難在得人濟寧志書議修者
非一次均因事中輟歲月旣多幾使名邦勝蹟長湮沒于蔓草荒煙茲
幸成書胥緣潔泉封翁之苦心經營歷久不稍懈又得袁君始終其事
卒能使難竟之功成於一旦而數十年之文獻賴以永傳於不朽誠盛
舉也余以創時躬與其役今喜獲觀厥成爰叙其顛末如右

中華民國十五年丙寅冬月前山東濟寧道道尹長蘆張慶漢筱雲序
於濟南寄廬

濟寧直隸州續志

纂修姓氏

主修

賜進士出身補用道河南鄧州知州 潘守廉

監修

濟寧道尹 張慶雲

濟寧縣知事 阮忠模

鑒定

賜進士出身懋勤殿行走前典禮院學士 柯紹忞

總纂

賜進士出身刑部員外郎 唐烜

濟寧直隸州續志

纂修姓氏

卷首

一

賜進士出身度支部主事 徐金銘

總編輯

江蘇通州已酉科優貢 袁紹昂

分纂

丁酉科舉人 李繼璋

泗水縣廩貢 王恩沐

癸卯科副貢 孫培益

歲貢 孫參照

參訂

賜進士出身翰林院侍講 楊毓泗

戊子科舉人 高爲漢

丁酉科拔貢王元瑞

甲午科舉人兩淮伍佑場鹽課大使劉錫綸

癸酉科拔貢郭潤畬

廩貢吳慶錦

癸卯科舉人丁未科考中前禮部員外郎典禮院科長王謝家

採訪

廩貢李學泌

歲貢邊榮煥

附生李繼瑄

已酉科四氏學拔貢孔繁澍

附生解同煜

濟寧直隸州續志

卷首

纂修姓氏

二

附生楊其濂

附生范世德

附生周隆欽

廩生侯樹桂

監生劉雲章

附生陳鳳仁

監生胡振聲

增生段鴻年

歲貢劉衍緒

歲貢徐桂森

附生解肇勛

省 議 會 議 員 郝鳳城

附 生 孫遵賢

廩 生 趙汝虔

歲 貢 孫參照

會計

兗 濟 稽 徵 局 局 長 潘貞榮

庶務

丁 酉 科 舉 人 劉啟昌

濟寧直隸州續志

志原

前志載志原殿於卷末凡歷事修纂之志序載之蓋可以溯淵源考因革見損益之大凡知時勢之遞變也徐志成於道光二十一年未經鏤板至咸豐八年始開雕焉其間十數年事又補之名爲續志卽今之盧志是厥後屢事重修屬稿未定然當時事實有可攷者因次第述之弁於卷首

濟寧州續志四卷咸豐九年濟寧直隸州知州盧朝安纂修前湖南巡撫馮德馨鑒定濟寧直隸州學正劉觀成濟寧直隸州訓導車椿年五品銜生員李聯靖參訂舉人劉文驤嘉祥縣生員候選訓導張炳採訪河南乙酉科舉人莫崇高生員馮德富張德業魏志厚王輝祖

濟寧直隸州續志

卷首

志原

一

詹守訓校對其序云古之續史者多非撰于一時觚策已鏤緒聞攸佚斯續之爾若當世方志間以續名或因更絃之張力有不給或以成著未久勢難別爲於是效紹興之宋白倣廣傳之張彭但採毫釐每資羽翼究之時有先後例有增刪雖沿舊稱無異改作若今也濟寧之爲續志則不然蓋樹人徐公之載筆於州也止於道光二十一年韋永州受代之日錄甫就於零陵范石湖作牧之辰文未宣於桂海會茲土屢侵黃水又擾紅巾付新尹而未刊束高閣者莫顧吏歷五六任已十八九年矣安來蒞州始與州人士覆加校讎付之剞劂而修志以來之歲月多從前未有之措施乘載有待於後車步趨聿追夫前軌仍其條目復爲搜羅偶獲元本之所未收必拾遺而補缺但遇近人之有足識復比事而屬詞政先教養之經善因率循乎善

剏闡揚忠孝之行嗣微不乏夫嗣音爰規隨以輯一編胥類聚而成四冊豈云有作有述竊希柱下之彭聃尙期不愆不忘叨附襄陽之鑿齒比餘錄不同別錄儻容追驥尾以籒青雲顧來茲更繼今茲庶幾廣豹斑而輝丹笈云咸豐九年四月嶺南盧朝安續序

光緒十九年續修州志未成其舊稿祇存人物列傳業已採入續志別有李毓恒所撰州志再續緣起及續修志書事宜并擬州志人物總傳事例備載於後

州志再續緣起

邑志之興典制文物因革損益凡以裨風教前民用也濟寧有志肇於明之莫公爲書十三卷國朝廖公胡公藍公踵事增修遂成巨帙至道光庚子年通州徐清惠公蒐輯別裁廣思集益當時載籍足徵

濟寧直隸州續志

卷首

志原

二

秉筆諸人皆一時文學之選典章於是乎大備矣稿存學宮尊經閣閱十八年新會盧公當戎馬倥偬之際慨思振興始校訂付梓用彰前休以其體例謹嚴文詞奧博不復更張僅採錄近時事類定爲續志四卷蓋慎之也今三十有五年黃流汜濫青犢縱橫州境當南北交衝邸帥爵帥勁旅東來多駐軍於此誠以濟寧爲幽薊咽喉江淮屏障亦一重鎮也况復蕭規曹隨咸關民瘼召父杜母久系輿情州人士幸值國家中興之運爭自濯磨助業蟬聯科名鵲起茹檐樂耕鑿之天列肆無風鶴之警而且型仁講讓崇正黜邪忠義憤發之氣時露於閭閻闐闐之中旣庶宜富旣富宜教守土者所由亟思保乂也近因會城新修省志催提事蹟爰集耆宿重議編排舉凡前志偶遺者補之時勢殊異者更之近三十年弛張變置者萃而正之不惟

徐志久經論定一字不移卽盧志亦視爲準繩全帙備載條目一仍其舊表章務取其公考核不厭精詳折衷必期盡善名曰光緒濟寧續志蓋依時代以標題嘉泰會稽志寶慶續志例也弗掠美於前人用昭垂夫來許謹書其緣起而叙錄焉

光緒三十一年知州王賡廷延聘州人王幼航孝廉謝家編纂濟寧鄉土志志甫成王牧解任去三十三年知州鄧際昌以時厯二載新政日舉較之舊編已多增變復延聘江蘇如皋顧延卿孝廉錫爵續之成濟寧鄉土志四卷王賡廷鄧際昌各有序

民國四年夏聯鈺劉延坦邊榮煥潘守廉劉元鳳李秀庚李爲衡劉錫綸潘矩健孫維璧李振綸戈爽曹信本高皋言孫松王元瑞高爲漢劉恩齡許鍾璐韓聯基王謝家張志果呂慶圻李其莊劉汝巖王宗驥等

濟寧直隸州續志

卷首

志原

三

公擬規則重修州志稟縣轉詳備案其稟略云竊維編年紀事則有國史徵文考獻則爲志乘體例雖殊其義實一誠以志也者叙述風土表裏政治識郡國之利病備古今之沿革緬維有昔不乏名著遠覽德涵邦靖之書近觀雅存實齋之作莫不文簡事賅義昭詞備信方志之準繩鄉國之良史也濟寧地控南北衝交水陸疆域廣袤戶版殷庶服爵之士名氏煥乎記牒戴鷁之夫勤儉習其風俗自周漢以還迄有清之末宏規懋治令聞湛德後先相望方策不絕不有志乘其何稽焉考濟寧志書胤始於明宏治之初終修於清道光之季年經四百稿易六七史胥所掌亦云燦備顧自此後六十年中紀載缺如閱世浸遠雖其間疊有裒錄而於今又多變通設不及時修訂將故老凋喪舊聞湮替甚非所以繼往軌昭來祺也聯鈺等有見於此雖德慙曩哲識乏通朗然

仰白衣之高蹈振起鄉風挹學海之餘潤興懷邦獻久欲斟酌舊文補拾遺漏而比歲不登兼多戎警致使前賢作述之功不獲後人繼續之效撫茲廢墜良用慙然方今運屬維新百廢具舉適會仁台蒞治斯境綏衆輯民崇學敦教每於簿書鞅掌之餘而有稱述古先之意聯鈺等幸茲事機之可乘復值地方之多暇爰與邦人士謀所以從事新志者耆老庶民咸有同意其大旨在簡棄繁蕪甄采軼散事雖有異於前規義實無詭於昔典經縣知事徐德源批准并轉詳巡按使立案其批云著述之繁莫過方志而蕪雜踳駁亦莫此爲尤漢唐以來可稱數之方志不逾十數家吳郡武功朝邑靈壽稱爲傑出章實齋氏猶復摺摺擊無餘識者不以爲苛章氏盡心方志雅號知幾及閱其著述證以體裁尙多瑕疵未能盡洽人意作志之難於此可見僕素好談文最憚言志亦

濟寧直隸州續志

卷首

志原

四

以問學淺陋識解卑庸誠不足以語茲幸邦人君子雅意倡興或爲老師宿儒或爲通才碩彥旣慨邑乘之宜修定破前人之成格此志告成當爲善本不才忝廁其間殊爲榮幸嗣亦未竟成書卽中輟

金鄉縣志同治元年重修係邑進士前湖北通城縣知縣李壘纂修運河兵備道宗稷辰堯沂曹濟兵備道盧朝安監定志分十二略曰輿地曰建置曰食貨曰學校曰秩祀曰兵防曰職官曰選舉曰列傳曰藝文曰事紀曰補紀宗序云天下有隔數千里而聲氣遙相應者有曠數十

年而消息若相酬者其數何自來其兆何自起是亦有化機生乎其間苟卿氏所以始言緣也道光初余在辰中遇毘陵吳子訥士見其先人禮石先生所作金鄉紀事而心壯之卽於郡齋晤禮石所識拔士金鄉尋君騰鳳時爲激浦令者而心重之於是金鄉常識於吾心亡何余傳

吳曹州則余文中有金鄉久之迨咸豐七年余由朝廊出而之河濟往來皆道金鄉則余轍跡有金鄉矣又歲餘余爲盧子曉亭助校州志乃與金鄉故實相習金鄉常在耳目中從新志得金鄉表忠之作因之知李固邨能文而訪其人屬其補輯邑乘且爲之覓海內志之至簡者三數編與余所嘗爲永州志數十卷縱之觀覽論其得失固邨遂躍然以撰述自命而金鄉志略粗成又恐其不能登諸棗梨而傳之竹素也更爲告當事與欲延固邨爲子師者闕里孔宇華多許助刊辛酉冬忽聞固邨病於金鄉練局已不能起其弟子來余詢之曰先生但命致語恐難相見餘不更言余曰汝師豈無念乎志書耶汝速返謂志書余任其事必爲之刊行以釋其憾倘不諱當可瞑亡何計至其弟子即抱志拜余於席間求定余方權河道丹墨案牘叢集一手以其暇郅輒取其十

二略而徧閱之可仍者仍其原稿可補者補其逸文於忠義節烈尤加之意經三月餘而訂定付剞劂氏不煩佐史不費鈔錄而遺恨頓以紆遣願旣以慰矣余方悟疇昔使余知金鄉者其締結乃繫乎是豈非造化之所爲余手余心爲所驅使然耶濟州牧周子翼庭金鄉令錢子仲和及其邑周尋諸生等推余爲序卽直敘其顛末如此山東通志載是書成於咸豐庚申同治壬戌所刊金鄉縣志卽壘遺稿而間有會稽宗稷辰補入者如列傳後附壘傳藝文中載壘書之類又壘小引作縣志略而刊本刪去略字殊失作者之意茲據小引補題小引云大者不敢畧而約旨省文卷帙無多庶乎剞劂儉行篋便於今之時亦有宜焉又云逐條序案則竊取陸氏靈壽志之意而語多陜切聲近累欬良以身經喪亂動輒感喟非敢爲無病而呻者又云凡爲略十有二體具志中

無須凡例裨漏彌隙以俟來者厥後光宣之際邑人歲貢生孫越擬議重修成志稿若干卷藏於家此次續修州志由孫尙卿遵賢採訪將原稿送局因擇其編次已定者纂入續志中

嘉祥縣志光緒三十四年知縣章文華訓導官擢午纂修歲貢梁基備武紹庭廩生張紹唐梁僊雲孫維樂生員馮德潤參訂分八門列五十四目其已見舊志者悉仍之猶有未載者卽續於各志後實續志也皖涇吳蔚年序略云目前朝廷勤修庶政學堂新建官制將改憲法初行巡警勸業新設監司交涉法政鐵路電線郵政工藝農會逐漸開通推廣凡於志乘條目如職官如人物如建置如選舉方將大有更章尤願吾邑賢士繼此而記載之二十年後必著一定規程俾有再修邑志之預備焉邑令章文華別有序志既成復別編一學宮記將先師孔子升

爲大祀之諭旨摺奏先謹爲書之其次若四配十二哲東西廡崇聖祠名宦鄉賢忠義節孝之姓字無不備載至於祭器碑文書籍寶介樹株之多寡學田之坐落四至亦皆如星羅碁布班班可考官擢午爲之序魚臺縣志光緒十五年知縣趙英祚纂修附貢生運同銜特用同知東河候補通判劉鏡贊修恩貢生候選教諭王岱雲劉金緘廩生馬鳴崗附貢生候選縣丞仇東陽校閱濟寧知州王恩培監定凡四卷其志例一仿前志由鏡董其事而趙令總其成其剗刪之費鏡獨任之蓋鏡素以文廟書院邑志三事爲念者也茲則文廟旣修書院已建因遂慨然以修志爲已任云邑令趙英祚有序

例言

一續志自道光二十二年訖宣統三年一依徐志例惟天章星野二志均見前志不再複載而於兵革志增入兵事一目以咸同之際南匪竄擾奉朝命在籍紳士車意園慎少司空馮桂山德中丞孫梧江淮廉訪倡辦團練僧忠親王格曾文正公國李文忠公鴻又先後駐兵於此中間築土圩修城壕及金鄉被陷忠烈義勇死事者多非別列一目不足以詳紀載爰另標兵事而以團練附焉光宣之際朝廷銳意維新舉行新政於是改學堂設議會立巡警開鐵路添電報郵政俱就其性質所近各以類附焉

一盧志凡四卷其間所記事首尾不具茲并入續志中不再重印

一徐志舊有圖茲僅依山東通志一州三縣總圖及州境圖各縣境圖

濟寧直隸州續志

卷首

例言

一

摹繪之爲圖五

一沿革表前志以限於篇幅羅列未能明瞭亦間有小誤者茲一一釐定分爲數表俾閱者一目瞭然

一山川之見前志者續志祇載其名間有發明及補遺者各錄其說於後

一食貨志前志分田畝賦役茲併田賦爲一目而屯田因有升科起釐事特另誌之

一選舉志向無封贈表茲編特爲增入以補前志之闕

一前志人物列傳而外區分各類統爲總傳有所謂僑寓隱逸藝術者

茲復增入孝友忠節文苑三傳

一人物依前志以先後爲序茲則有以類相從者如辦團時諸人咸彙

集之

一列女總傳前志祇載節烈按傳名列女防於劉向並不專指節烈僅載節烈於義爲偏茲分孝賢貞烈冠於節婦之首而以壽婦終焉

一徐志藝文志有碑目無金目茲據山東通志及通州馮雲鵷昆季所輯金石索暨古泉匯孫氏印譜并採訪所得者補之

一藝文志詩文例應取有關於地方利弊及風俗古蹟人物者選人茲以邑中耆宿著述未刊專集不爲搜羅勢必散佚茲有訪得者胥爲登載蓋存文卽所以存獻也

一前志末附志原自徐志告成後僅有盧志四卷茲以盧志併入續志中其志序及纂修諸人姓名均爲備列厥後屢議重修均未蒞事而揣卷具在亦悉載之三縣附焉

舊志稿本存有前州主徐葉二公籤出二條

徐清惠公籤陸子靈壽志例云郡邑志例有八景悉屬湊合曲陽志獨刪之差強人意蓋觀山川者當知其原委形勢沾沾於景物抑末矣但前志相沿已久且濟上名勝之區并無牽合故循舊存之惟圖後各詩附入藝文以卷首恭記聖製也

按今刊本圖後詩并存與藝文所載重複

葉芸士先生籤第一圖當將一州三縣總繪一圖再分一州三縣四圖皆須有開方前志有三縣圖例當如是此竟去之試問各府志不載屬縣圖者乎

按今刊本無總圖亦未開方

右二條辨正志例極有條理前刊板時或未見此本抑別有取意

濟寧直隸州續志

卷首

正說

一

均不可知今據大清一統志山東新志補繪開方輿圖以資考鏡

濟寧直隸州續志

序

纂修姓氏

志原

凡例

目錄

卷首

圖

濟寧州屬總圖

濟寧州境圖

金鄉縣境圖

嘉祥縣境圖

魚臺縣境圖

濟寧直隸州續志

卷首

目錄

卷一

五行志

大事志

卷二

方輿志

沿革

封建

故址

古蹟附

疆域

卷三

山川志

山阜

泉源

河渠

湖瀦